

R. K.
418
37

#2007872

II n
8703

Leichpredigt

Weyder Leich und

Begrebnis / Weyland des Wolgeborenen vñ Edlen Herrn / Herrn Christoffs Ulrichen des D. Römischen Reichs Erb Marschalhn / vñnd Herrn zu Bappenheim / vff der Herrschafft Breuenthal Christlicher vñnd selziger gedechtniß / Welcher den 11. Decembris des 99. Jahrs kurtz vor drey Vhrn nach Mittag / Christlich vñd wol abgeleibt / vñnd sanfft vñd seliglich im HErrn verschieden / vñd hernacher den 20 Decemb.

In der Kirchen zu Breuenthal / Christlichem brauch nach / zur Erden ist bestattet worden.

Gehalten vñd geprediget / Durch Johannem Langen N. damals Pfarherr zu Breuenthal.



Gedruckt zu Zehna / Durch Salomon Richzenhan / Typis Donati Richtzenhan.
Im Jahr / 1600.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)



Der Wolgeborenen
vnd Edlen Frawen / Frawen Mag-
dalenen Geborenen Erbmarschalchin vnnnd
Frawen zu Bappenhaim vff der Herrschafft
Gräuenthal / Weyland des Wolgeborenen vnnnd Edlen
Herrn / Herrn Christoffs Ulrichen des Heiligen Röm.
Reichs Erbmarschalchin vnnnd Herrn zu Bappenhaim
vff der Herrschafft Gräuenthal Christlicher
vnd seliger gedechtnis Gemahlin vnd
nachgelassener Witwin.

Vnd

Der auch Wolgeborenen vnnnd Edlen /
Frawen / Frawen Anna von Zedwitz zur
Brugsreuth / Geborenen Erbmarschalchin zu
Bappenhaim / Ihrer Gnaden hinderlassenen Fr.
Schwestern / Beyden meinen Gnedi-
gen Frawen.

Gnade / Friede vnd Trost von Gott dem
Vater / durch IHESVM CHRIS-
TVM vnsern wahren einigen Friedfür-
sten im Weiligen Geist / dem höchsten
Tröster in aller noth / sampt meinem de-
mütigen Gebet vnd Vater Unser zuuor.

E. G. gemachts vnd Herlich Erthorn puzen/
Gottseligen Endes vnd Christlichen abschied/
Wie sichs damit in warheit verhielte / glaub-
würdiglichen berichtet würden. Ganz vnter-
theniglichen bittende / E. G. wollen diesen mei-
nen geringfügigen dienst Inen gnedig gefallen
lassen vnd anders nicht den in gnaden ver-
mercken vnd annemen. Wunsche auch hienebē
E. G. allerseits von Gott ein gnadenreiches/
glückseliges / friedfames vnd fröliches Neues
Jahr / Amen.

Der Vater vnsers **HERREN JESU
CHRISTEN** der Gott aller gnaden vnd
trostes / wolle beyde E. G. durch seinen heiligen
Geist / In dieser hohen betrübnis vnd traurig-
keit stercken / vnd nach seinem willen / bey lang-
wiriger gesundheit erhalten Amen.

Datum Greuenthal den 30. Decemb. im
ausgang des 99. Jahrs.

Johannes Lang N. Pfarherr
zu Greuenthal.



Leich



Leichpredigt.

Erwer Lieb wolle anhören einen kurtzen Spruch aus dem 4. Cap. der Ersten Episteln S. Pauli an Timotheum Welcher also lautet:

Be dich selbst an der Gottseligkeit / Denn die Leibliche Übung ist wenig nützlich / Aber die Gottseligkeit ist zu allen dingen nützlich / vnnnd hat die Verheißung / dieses vnnnd des künftigen Lebens.

Die ursach vnd gelegenheit dieser vnserigen gegenwertigen Hochbetrüben versammlung vnd zusammenkunft / Geliebte vnd Aufferwelte im Herren. Ist (wie zwar meniglich wissend) der betrübe klegliche vnd ganz traurige Todesfall / Weyland / des Wolgebornen / vnd Edlen Herren / Herren / Christoff Ulrichen des H. Röm. Reichs Erbmarschalch / vnd Hrn. zu Bappenhaim auff der Herschafft Greuenthal / vnser gnedigen Herren Christlicher vnd mildester gedechtnis / welchen der trewe Barmhertzige Gott / (In des hand willen vnd gewalt

gewalt wir alle sein vnd leben) am nechst vergangenen
II. Decembris / kurz vor drey vhrn nach mittag / aus die-
sen betrübtten Jamerthal In den himlischen freudensal /
durch den zeitlichen tod / In warer Erkantnis vñ bekant-
nis Jesu Christi vnd Ernstlicher Anruffung seines Hei-
ligen Nahmens / (Wie hernacher am End weiter soll
gemeldet werden) mit gnaden hat abgefördert / dessen
Cörper vnd Leichnam / so hieher gebracht worden / vnd
fernere nun in sein Ruhbettlein vnd schlaffkammerlein
ingeleget / vnd nach Altten / Löblichen / herrlichen ja viel
mehr Christlichen gebrauch / mit gebürlichen Ceremoniē.
In dieser Kirchen allhier ehrlich zur erden soll bestattet
werden.

Ist derwegē billich vnd recht von vns dz wir bey dieser
Leich vnsern publicum luctum halten / vnd solchen letz-
ten dienst dem wolgebornen vnsern G. H. seligen als einē
besondern liebhaber vnd bekennen der reinen Christlichen
lehr vnd Aupsurgischen Confession zugethanen zu schül-
diger danckbarkeit / leisten / vnd beweisen. Denn weil wir
vns auch / vber geringer vnd gemeiner leut tödlichen ab-
gang / herzlich bekümmern / Darüber klagen / trauren vnd
weinen / vnd dabey gedenden sollen / wie Syrach lehret
am 38 Cap. Heutt ist es an ihm / Morgen mustu oder ein
anderer auch dran: Vievil mehr vnd herrlicher / sollen
wir vns bekümmern / betrüben / von herzen traüren / vnd
leyd tragen / Wenn vns Gott der Allmechtige / Treue /
Woluerdiente / Hohe / Tugliche / Versohnen / sonderlich
aber unsere liebe Obigkeit / von hinnen fordert vnd hin-
weg nimpt / derer schutz vnd schirm / hülff vnd beystand /
Rath vnd Trost / wir ohne mercklichen schaden vnd nach-
theil nicht entrathen können / vnd auff welcher tod vnd
abschied

abschied gemeiniglich eine grosse Mutation oder veränderung/ der Land vnd Herrschafft zu erfolgen pfleget.

Vnd weil denn der Almechtige vnd Barmhertzige **GOTT**/dessen willē wir nicht widerstreben/ viel weniger mit vngedult darwider murren sollen/ diesen / Weysland vnsern **G. H.** seligen (dessen Nahm / Lob vnd Ruhm/wegen seiner schönen ansehlichen vñ gleich Fürstlicher Person / hohen verstandis / vnd vielen ruhmwürdigen tugenden/ sehr wol bekant/ vnd weit ausgebreitet gewesen ist) leyder leyder von hinnen genommen/ vnd durch seinen tödlichen fall vnd absterben/ vns eines sehr grosse/ theuren vnd nukes schazes beraubet hat: So haben wir warlich hohe grosse vrsachen / von herten zu trauren / zu klagen/ vnd zu weinen/ vnd es müssen auch die jenigen je freylich lautere vnmenschen sein / vnd nicht ein einige Christliche Ader vnd blutstropffen / in ihren herten vnd leib haben / die sich vber diesen tödlichen fall / nicht herzlich vnd schmerzlich bekümmern / zum höchsten betrüben/ trauren/weinen/vñ vbel gehalten solten. Sintemal durch Ihr **G.** tod / dieser Stadt/ Land/ vnd Herrschafft/ ein gefährlicher zustand/ vnd vnheil / (Welche doch **GOTT** der Almechtige gnedig abwenden vnd verhüten wolte) begegnen vnd entfliehen könnte.

Haben derwegen wie gesagt/ grosse vñ wichtige vrsachen zu trauren/ vnd vns von herten zubekümmern/vber diesen vnsern verstorbenen Herren seligen dessen Gnedigen Schutzes / Rath/ vnd Hülff/ wir hinfert beraubt sein/ vnd mit schmerzen/ vnd mit herzlichem sehnen vnd verlangen nach ihm/ entpfehen müssen.

Weil wir aber gleichwol Ihrer **G.** mit vbermessiger traurigkeit nichts helfen/ noch dieselbe er wieder in dieses leben bringen können/ sondern vns schaden/ vnd **GOTT** beleidigen

beleydigen mochten: So sollen wir nicht als die vnglaub-
bigen Heyden/die keine hoffnung mehr haben / Sondern
als die glaubigen Christen/trauren/ vnd vnser klag also
anstellen / damit wir nicht dafür mögen angesehen wer-
den/ Als wenn wir den wilken Gutes straffen/ oder wi-
der denselben mit vngedult murren wolten/ sondern vnser
betrübnuß vnd traurigkeit temperirn vnd messigen mit
dem seligen trost / das wir wissen vnd glauben / das wir
vñ ern lieben H. seligen nicht aller dings verlohren/ son-
dern nur vor vns præmittirt vnd hingeschicket haben/in
ein anders/ bessers/ vnd ewiges leben / da wir ihn dermal
eins in derselben Außerstehung / wider finden / zu ihm
kommen/vnd Ewig bey ihm bleiben werden / welches den
der treue Barmhertzige Gott dermal eins mit gnaden
vns verleihen wolle / vmb seines lieben sohns vnser
Herrn vnd Heylands Jesu Christi willen. Amen.

Damit wir aber zugleich hiebey/in dieser traurigen
versammlung/ aus Gottes wort etwas nutzlichs anhören
vnd lernen mögen / Als wollen wir aus den verlesenen
worten S. Pauli kürzlichen allein dauon zu sagen /
Erstlich/

Was hohen vnd führungenen Adels Persohnen/für
GOTT vnd frommen leuten am besten anstehe/worin-
nen sie sich am allermeisten vben/vnd wie sie ihr leben an-
stellen sollen/ damit sie nicht allein der welt/sondern auch
Gott gefallen/vnd endlich friedlich/selig vnd wol ster-
ben können/ Inmassen dieser vnser G. H. seligen/Christ-
lich vnd wol abgeleibt/vnd sanfft vnd seliglich verschied-
en ist.

Darnach wollen wir auch so viel die zeit / vnd irige
gelegenheit leiden will/ etwas insonderheit/ von vnserem
verstorbenen G. H. seligen sagen / von ihrer G. geburt
vnd

vnd Ankunfft/ Rühmlichen Tugenden/ weiser vnd wol-
angestalter Regierung/ seligen ende vnd Christlichen ab-
schied aus dieser welt/ vnd was wir vns dabey zu erinern
haben. Hiezu vns den GOTT Gnad vnd den Heiligi-
gen Geist verleihen wolle. Amen.

1.

Wen ehrliche von Adel/ vnd sonsten auch andere
gemeine Leut/ auff die ist fürgenommene frag
antworten sollten/ so würdē sie one zweiffel also
sagen: Sie hieltens dafür/ das/ wen ein junger Edelma-
für andern/ gelobt werden sol/ ihm vor allen dingen von
nöthen sein wolle/ 1. Das er habe/ davon er seinen stand/
stattlich führen könne/ dieweil man sehe das Arme Edel-
leut/ so wol als Arme Bürger vnd Baur/ vberal ver-
acht werden. 2. Das er etwas sehe/ höre/ vnd erfahre/ vnd
darzu auch höffligkeit vnd gute sitten lerne/ weil je solche/
wo sie hinkommen angenehmer denn andere sein. 3. So
stehe das sonderlich einer fürnemen Adels Person wol
an/ wenn sie reden vnd reuten miteinander kan / das ist/
wenn einer vor einem andern etwas verstehet vnd zu für-
fallenden schweren sachen sein vernünfftiges bedencken
vnd guten rath geben / Auch / da es die Not erfordert/ in
krieges oder andern leufften die Faust brauchen/ vnd bey-
de zu Ross vnd Fuß/ seinen Man vnd stand vertreten
kan. 4. Die aber am höchsten kommen / vnd die versten-
digsten vnter den Adel sind/ die sagen/ das es ein sonder-
lich Lob / vnd grosser wolstand / Auch bey Fürsten vnd
Herrn fürderlich vnd sehr fürtreulich sey / Wenn ein
junger Edelman etwas studirt/ gelernt/ vnd so weit kom-
men ist/ das er in hohen wichtigen sachen/ kan verschicket/
vnd nützlich gebrauchet werden. Dis sind also eigent-
lich die güter vnd gaben/ so in der welt hoch gehalten vnd

am

an den Adels Perlohnem/ als die größten fürnehmsten
Ornamenta zierd vnd wolstand gerühmet vnd gepreyset
werden.

Vnd das sie auch alle/ (doch eins mehr denn das
ander) rühmens vnd lobens werth sind/ können wir zwar
nicht leugnen / vnd theten auch vnrecht dran/ wenn wir
das jenige / das an ihm selbst nutz vnd gut ist / schelten/
oder aber verkleinern vnd versprechen wolten. Gleich-
wol aber nennet der Apostel Paulus / in den vorlesenen
Worten/ dieses alles nur eine Leibliche vbung / vnd sagt
ferner / das solche gar wenig nutz sey. Gegenuber aber
erhebt er die Gottseligkeit sehr hoch/ vnd saget / das sie
alle isterzehlte sachen/ güter vnd gaben / weit weit vber-
treffe / vnd das sie nicht wenig / sondern zu allen dingen
nutz sey / vnd die verheissung / dieses / vnd des fünfftigen
Lebens habe. Er nennet aber eigentlich das pietatem
vnd Gottseligkeit / Wenn ein Mensch den rechten wahr-
ren G. D. t. vnd seinen Sohn/ den er gesandt hat/ Jesum
Christum recht erkennet / fürchtet / liebet/ ehret vnd ver-
trauet/ sein Wort gern höret/ lieset/ fleissig mercket / vnd
wolbetrachtet / sein leben nach demselben richtet vnd an-
stellet/ auch aus demselben frefftigen trost/ wider alle an-
fechtung vnd beschwerde/ Leibs vnd der Seelen / fasset
vnd schöpffet/ vnd ihme des H. Er. G. Gesehe in allen sei-
nem thun/ ein Licht vnd Lucern seiner Füße / vnd ein
Licht auff seinen Wege sein lest. Führet mit Dauid das
Symbolum aus dem 119. Psalm: Lucerna pedibus
meis verbum tuum. Das ist:

Mein Füßen ist dein heiliges Wort/
Ein brennende Lucerne /
Ein Licht das mir den Weg weist fort/
So dieser Morgensterne/
In vns auffgeht/ so bald versteht/

Der Mensch die hohen Gaben/
Die Gottes Geist/
Denen gewisz verheist/
Die hoffnung darein haben.

Das ist vnd heist Pietas Gottseligkeit / vnd wer
sich von jugent auff vber / der thut spricht S. Paulus/
viel besser denn andere / die sich nur in leiblichen vnd zeit-
lichen dingen vben / welche vbung den nur zu wenig nütz
ist / do dargegen die geistliche vbung in der Gottseligkeit/
zu allen dingen nütz ist / Vnd das dieses beydes war sey/
das bezeuge / neben der Heiligen Schrift / auch die teg-
liche erfahrung.

Denn wenn schon die leibliche vbung in der Nah-
rung / in guten Sitten / Künsten / Sprachen vnd Ritter-
lichen thaten / vnd andern mehr stücken / gar wol gereth /
vnd nach vnserm Sinn gehet / So ist sie doch zu wenig/
vnd mehr nicht nütze / denn das wir etwa andern damit
dienen / vnd eine Handvoll Ehr / hüll / vnd füll dauon
bringen vnd bekommen. Zum Heiligen leben / vnd sel-
ligen sterben aber hilfft sie wenig / ja wol ganz vnd gar
nichts / wie an den Heyden zu sehen ist / die sich in leibli-
cher vbung wol gebraucht haben. Aber nichts desto sel-
ziger gestorben sind / weil sie ohne wahre Gottseligkeit ge-
wesen sind. Ja / es nützet nicht allein / die leibliche vbung
wenig / sondern gereth auch wol oft zu grossen schaden/
vnd Ewigen verderben / wenn die vbung der Gottselig-
keit nicht darzu kömpt / vnd nicht mit vnd darbey ist.
Das aber die Gottseligkeit / wie Paulus ferner saget/
zu allen dingen / auch in allen Ständen vnd Altern der
Menschen nütz sey / das findet sich kl rlich / wenn man
der sachen recht vnd mit fleiß nachdencket. Vnd wil
vns demnach S. Paulus hiemit vertrosten / das wir
vnsere

vnserer Gütigkeit / vnsern Christlichen Wandel vnd
Leben / nicht vmbsonst geführet haben / vnd noch führen
sollen / sondern sie sol vns nutz sein / vnd wie er hernacher
am 6. Capittel sagt / sie sol vns ein grosser gewin sein /
Wozu? Zu allen dingen. Will damit souiel sagen: Alles
was wir thun vnd vornehmen / alle vnser anschleg vnd
rathschlege / sollen einen guten fortgang gewinnen / bey
vnser Gütigkeit / vnd Christlichen guten Wandel
vnd Leben.

Welches denn / auff alle stend / sol referirt vnd ge-
zogen werden: Als / Lehrer / vnd Prediger: Wenn sie
Gütig leben / vnd mit gutem Exempel / denen / so sie
vorstehen sollen / vorgehen / vnd vorleuchten / so sollen sie
den nutz haben / das sie nicht allein gut audiens vnd gehör
bey ihnen haben sollen / sondern das auch ihre Lehr gute
frucht bringen soll / da es sonst / wo sie Gottlos lebten /
groß mühe damit haben würden / weil es nicht allein gar
vbel stehet / wol lehren / vnd strefflich leben / sondern es
wird auch wenig guts damit außgerichtet / vnd sind solche
streffliche Lehrer / die aller schedlichsten Leute / die eben
thun / wie ein böser Bawmeister / der mit einer Hand et-
was auffdawet / vnd mit der andern Hand wider ein vnd
nieder reißt / dahines doch nimmermehr kommen kan /
wenn Gütigkeit geübet wird / vnd wenn man sich ders-
selben befließiget. Also auch Regenten / Amptleute
vnd Oberherrn / wenn sie Gütig leben / so sollen sie
den nutz haben / das sie weißlich regieren / an Land vnd
Leuten zunehmen / vnd guten fried vnd ruh haben sol-
len. Wiederumb / wenn sie Gottlos leben / so verkehrt
sich das glück alles miteinander / vnd sie werden darüber
vneins / vnd zu lautern Narren. Also auch Hausvater
vnd Hausmütter / wenn sie Gütig leben / vnd sich in

der Gottseligkeit oben / sollen sie den nutz haben / das sie
gut geschlaun zur Nahrung haben / für schaden gesi-
chert vnd behütet sein / fromme gehorsame Kinder auff-
ziehen / vnd trewes fleissiges Gesinde haben vnd bekom-
men sollen. Item / Kinder / Söhne vnd Töchter / wenn
sie Gottselig leben / sol das ihr nutz sein / das sie was chr-
lichs lernen / vnd dadurch hernacher zu ehren kommen
sollen / vnd hieher gehört / das David 119. Psalm fraget :
Wie wird ein Jüngling seinen weg vnstrefflich wan-
deln ? Vnd Antwort ihm bald selbst vnd spricht : Wenn
er sich helt HErr nach deinem Wort / das ist / wenn er
sich wie S. Paulus hie redet / in der Gottseligkeit fleis-
sig vbet. Item / das Dienstgesinde / Knecht vnd Meg-
de / wenn sie Gottselig leben / so sol das ihr nutz sein / das
ihnen ihr Arbeit wol zauchen / schleunig von der Handt
gehen / vnd sie keinen schaden dabey breuen sollen. In
summa Gottseligkeit langet allen Handthierungen die
Hand / vnd verlest die / so in ihrem Dienst stehen / nim-
mermehr nicht. Sonderlich aber sihet vnd erfahrt man
als denn / Wozu die Gottseligkeit nütze vnd diene /
Wenn man in schwere Kranckheiten fellet / lang vffm
Siechbett ligt vnd quelet / vnd endlich mit dem Todt
ringen / vnd gar dahin sterben muß / da gehet es freylich
wie der Gesang laut : Ein Reichen hilfft doch nicht
sein Gut / Dem jungen nicht sein stolzer Muth / Er muß
an diesen Meyen / Wenn einer hette die ganze Welt /
Silber vnd Gold vnd alles Geld / Noch muß er an den
Keyen. Vnd es schützet wider den zeitlichen Todt kein
Jugent / kein sterck / kein hohes Geschlecht vnd Stam /
kein Schönheit / kein Reichthumb / kein Büchsen /
Schwert / Reuter vnd Wagen / Vnd in summa / alles
was die Welt groß helt vnd hoch hebet / das hilfft in
solcher

solcher zeit so gar nichts / das es auch den Gottlosen die
Krankheit vnd das Sterben noch schwerer vnd seurer
machet / vnd allerley grosse anfechtung / vngedult vnd
murren wider G^ott vnd seinen willen / in ihren Her-
zen verursachet.

Wer aber des H. Apostels Pauli treuen Rath ge-
folget / vnd sich sein Leben vber in der Gottseligkeit ge-
übet hat / der kan als den bestehen / außthurn vn̄ das feld
behalten / vnd bekennet mit der Göttlichen Weißheit /
vnd spricht / Sap. 16. H^orr / Es heilt doch weder Kraut
noch Pflaster / sondern dein wort / welches alles heilet.

Das mag doch je ein grosser gewin vnd nutz / der
Gottseligkeit sein vnd heissen / der auß derselbigen köm-
met. Vnd wer wolte doch derselben nit nachtrachten we-
gen des trefflichen nutz der zu aller hand gewerb / vnd
vornehmen sich so wol vnd fein schicken vnd finden
soll.

Ach / tracht man doch Geldt vnd Gut nach / mit
grossen fleiß vnd ernst / mühe vnd arbeit / wagt drüber
Leib vnd Leben / ist vnuerdrossen / zu Tag vnd Nacht / zu
Wasser vnd Lande / dasselbige zuerlangen / do es doch
ein eitel vnbestendiges vnd vergengliches thun ist : Sol-
te man denn nicht viel tausent mahl mehr / nach der
Gottseligkeit trachten / die ein Ewiges Gut / vnd der
rechte Himlische Schatz ist / welchen weder Motten noch
Rost fressen / vnd da die Diebe nicht nachgraben vnd
stelen können / Matth. 6. Ja es sol dabey nicht blei-
ben / das die Gottseligkeit zu allen dingen nutz sein sol /
sondern sie sol auch die verheißung haben / dieses vnd des
zukünfftigen lebens. Vnd wil Paulus gleich also
viel sagen : Es sol daran nicht gnug sein / das du deines
Gottseligen lebens / zeitlich genießest / Sondern

Du

du solsts auch Ewig genießen/ vnd ~~du~~ ~~da~~ ~~da~~ ~~da~~
wils die Ewig genießen lassen/die nach seinem willen le=
ben / in fürchten vnd ehren / Wie hievon im 1. Buch
Sam.am 2. also stehet: Glorificantes me glorificabo.

Derwegen wir denn nur GOTT trauen/vnd auff in
bauen sollen/denn / wie er die seinen niemals verlassen/
Also wil er auch nie vmb sonst vnd vergebens ihme die=
nen lassen / sondern den dienst / der ihme geleistet wird
reichlich erstatten/beyde zeitlich vñ ewiglich/Vnd hieher
gehören die schönen verslein/so von einem fürtrefflichen
gelerten Man/aus diesem spruch sind gemacht worden/
welche also lauten:

Est pietas homini rerum gratissima messis

Qui pius est veris nescit egere bonis.

Zu Deudsch also:

Ein reiche Erndt zu jeder frist/

Das der Mensch der Gottselig ist/

Fromm sein niemand gereuen sol/

Es geht ihm nun vnd Ewig wol.

Vnd daß wer nun also fürklich auff die fürge=
nommene Frage / die richtige ware Antwort / das / Ob
wol auch die leibliche vbung/in allen oberzehnten stücken
ihren nutz habe vnd gebe/vnd vmb des willen/fürnehmen
Herrn vnd Adels Personen auch wol anstehe / sollens
sies doch dabey nicht wenden lassen / sondern sich auch al=
lermeist vnd fürnemlich in der Gottseligkeit vben / weil
diese/nicht wie jene/nur ein wenig/sondern zu allen din=
gen nutz ist / vnd die verheissung/dieses / vnd des fünfft=
gen lebens hat. Welchs ich denn ist hiemit allen An=
wesenden vnd gegenwertigen Herrn / vnd Adels Perso=
nen/auch andern gemeinen Zuhörern/zu mercken treulich
wil befohlen haben / mit herzlichem wunsch / daß / die es
bisher

bisher nicht gethan/ noch anjehen/ vnd dem gegebenen
vnterricht folgen/ die andern aber/ die sich der Gottselig-
keit beflissen/ darinnen rühmlich fortfahren/ eine gute
Ritterschafft vben/ vnd bis ans ende glauben vnd guts
Gewissen bewahren mögen/ wie sie denn in allewege zu-
thun schuldig sind.

I I.

Nad dessen hat vns nun der trewe Barmhertzige
GOTT/an diesem vnsern sanfft vnd selig ent-
schlaffenen/ vnd zu seinem Grab ist hieher ge-
brachten gnedigen Herrn seligen/ ein solch Exempel für-
gestellt/ dessen wir billich gedencken/ vnd zu aller förderst
GOTT zu ehren / Ihrer Gnaden aber zu ewigen rühm
vnd gedechtniß / vnd andern zur Christlichen nachfolge
rühmen / vnd nicht verschweigen sollen. Denn der
Fürsten Rath vnd heimlichkeit sol man verschweigen/
Aber Gottes Werck sol man herlich preisen vnd offen-
bahren/ spricht der Engel Raphael im Buch Tobia am
12. Capittel.

Nad was denn nun gegenwertige verstorbene Hohe
Person/ vnser gnedige liebe Obrigkeit anbelanget/
Als Weyland/ den Wolgeborenen vnd Edlen Herrn/
Herrn Christoffen Ulrichen des Heiligen Römischen
Reichs Erbmarschalln vnd Herrn zu Bapenheim/ vff
der Herrschafft Greuenthal / vnsern gnedigen Herrn/
Christlicher vnd seliger gedechtnis / verhellet es sich mit
Ihrer Gnaden Geburt vnd Ankunfft kürzlichen also:
Ihre Gnad ist Anno 46. alhier zu Greuenthal
auffm Schloß / den 15. Aprilis gleich an einem Don-
nerstag

Enco
um
ne a
Et a.

Itag zur Welt Geborn/ Der selbe Herr Vater ist gewesen
der auch Wolgeborne vnd Edle Herr/ Herr Achar/ des
H. Röm. Reichs Erbmarschalch vnd Herr zu Bappens
haim / neben andern Herren dieses Stammes der An-
kunft aus dem Vhralten Hochlöblichen Römischen Ge-
schlecht der Calatiner/ welche noch vor Christi Geburt/ bey
Regierung des Allergroßmechtigsten vnd Friedlichsten
Kaysers Augusti mit dem Römischen Hauptleutē Tiberio
vnd Druso/ von Rom heraus in Deutschland gezogen/
vñ sich hernacher an der Donau niedergelassen/ ein fürnem
Schloß vnd Bestung welches sie nach ihrem Nahmen
Calatin oberhalb Neuburg an der Donau erbauet/ des-
sen rudera vnd altes gemeur noch heutigs tags vor Au-
gen/ vñnd zu sehen sind / von welchen sie hernacher / die
Herrn von Calatin/ sind genennet / vnd vber viel anseh-
liche Gütter/ Herrschafft/ vnd Leut/ endlich auch/ wegen
ihrer trewen Ritterlichen thaten / so sie zu allen zeitten/
den Römischen Keysern / in Kriegens vnd Friedens ze-
iten/ geleistet / mit dem Erbmarschalch Ambt aller gne-
digst gezieret / vñnd begnadet worden. Die Mutter
des verstorbenen Herrn seligen / ist gewesen/ Fraw Eli-
sabeth des Edlen Gestrengen vñnd Ehrnuesten Cobalde
von Brandenstein Eheleibliche Tochter / auß dem auch
Vhralten Adelichen vnd Ritterlichen Geschlecht / deren
von Brandenstein/ vff der Herrschafft Kanis. Von
diesen seinen beyden Eltern / Er in aller Gottesfurcht/
vnd vnuerfelschten Lehr Göttelichs Worts Augspurgi-
schen Confession/ dem heiligen Catechismo vñnd andern
herrlichen vnd Adelichen Tugenden erzogen / vñnd bald
in der jugend nach absterben seines Herrn Vatern / auß
Rath der Vormunder/ zu dem auch Wolgebornen vñnd
Edlen Herrn/ Herrn Volradt Graffen vñnd Herrn zu
Manß

Wannpfort / als er den einm. Vorposten
Grafen vnd berühmten Kriegs Obersten gegen Manß
feldt vberschießet / von dannen als er etwas erwachsen / an
des Durchlauchtigsten Hochgebornen Fürsten vnd
Herrn / Herrn Georg Friderichen Marggraffen zu
Brandenburg etc. als damals / wegen der ansehnlichen
Fürsten / Graffen / Herrn vnd der Ritterschafft anwe-
senheit / vor andern Fürstlichen Höffen / berühmten Hoff
gegen Anspach / durch ehrngemeldter der Vormunden
Rath abgefertiget / vnd dann folgendes / an des Aller-
durchleuchtigsten Großmechtigsten / vnd Vnüberwind-
lichsten Weyland Keyfers Maximiliani des Andern
dieses Namens / vnser allergnedigsten Herrn Hochst-
löblicher Ehr:smildester gedechtnis Kayserlichen Hoff /
Vornemlich auß Rath des auch Wolgebornen vnd
Edlen Herrn / Herrn Conrads / des Heyligen Römischen
Reichs Erbmarschalln / vnd Herrn zu Wappenheim /
Landgraffen zu Stülingen / vnd Herrn zu Hohenhe-
wen / damals Römischer Keyserlichen Ray. Rath / vnd
vber derselben Leibs Quardi bestelten Hauptmans sei-
nes freundlichen lieben Herrn Bettern Rath vnd gut-
bedüncken / sich gegen Wien begeben. Von welcher
Ihrer Röm. Ray. May. Wolgedachter nunmehr ver-
storbener Herr seliger nicht allien zu sonderlichen Key-
serlichen gnaden allergnedigst auffgenommen / zu dersel-
ben Ray. Diener vnd Truchses viel Jahr gebraucher /
Sondern auch werendes solches seines Befelchs erst-
mals / wie Höchstgedachter Ihrer Key. May. princessin
Elisabeth / König Carolo in Frankreich vermählet / vnd
denn zum andernmahl wie Ihre Ray. May. hernacher
zu Genattern erbetten worden / mit zweyen unterschied-
lichen Kayserlichen Legationen / vnter den fürnembsten
Ihrer

Ihrer Kay. May. abgesandten / in Franckreich mit ab-
gefertiget worden. Damals Ihr Gn. nicht allein bez
meltes Konigreich Franckreich / sondern auch Engelland
vnd Niederland durchreiset / Wiederumb an den Kay-
serlichen Hoff gegen Wien gelanget / vnd folgendes zu
Speyr / so wol auch zu Regenspurg vnd Augspurg den
Reichstagen beygewohnet / vnd an stadt des Elusten
Ihrer Röm. Kayserlichen May. das Schwert als ein
Reichs Erb Marschalch vorgetragen / auch anders so
zum Erb marschalch Ampt gehörig / mit sondern Ruhm
vnd angeborner autoritet verrichtet / Bis Ihre Gnade
als nach absterben / des auch Wolgeborenen vnd Edlen
Herrn / Herrn Joachimo des heiligen Röm. Reichs
Erbmarschalch vnd Herr zu Wappenheim / vff der
Herrschaft Greuenthal / das Regiment in dieser Herr-
schaft auff Ihre G. allein kommen / auß notturfft vom
K. yserlichen Hoff sich anheimbs begeben / vnd des Res-
giments vnterfangen / Darauff im Jahr der minder zahl
90. sich mit der Wolgeborenen vnd Edlen Frawen /
Frawen Magdalena / weyland des auch Wolgeborenen
vnd Edlen Herrn / Herrn Wolffen / des Hey. Röm.
Reichs Erb Marschalchen / vnd Herrn zu Wappenheim
Wolffeligen / hinderlassenen Wittiben / Vnd des gleich-
saß Wolgeborenen vnd Edlen Herrn / Herrn Christoff /
gewesenen Altisten / des heyligen Römischen Reichs
Erb Marschalchen vnd Herr zu Wappenheim / vnd
Frawen Barbara Barschalchin / Geborenen Gorkman-
nin ee. Eheliblichen Tochter / Ehelichen Vorheyrathet /
vnd in vieler Fürstlicher Persohnen / vnd anderer abwe-
senden Fürsten stadlicher Abgesandten / Herrn vnd vom
Adel anwesenheit allhier Beylager gehabt. In
welchem wehrenden Ehestandt auch beyde Ihre Gnaden
sich

sich bis auff die letzte Stunde so einig / so lieb / so ge-
trew / gegeneinander vorhalten / daß ein jeder vor sich den
preis hierinnen zuerlangen sich euffersten vermögens
beslissen / Beyde aber hierumb gleichsam gekempffet /
dem andern mit huld lieb trew vnnnd diensten vorzukom-
men / vnd es zuübertreffen.

Auß dieser Narration vnd erzehlung ist nun leicht
zusehen / daß es Ihrer Gnaden seliger an leiblicher vs-
bung zwar auch nicht gemangelt / vnd sie alsbald von ju-
gend auff auch ire leibliche vbung gehabt habe / (Welchs
dann fürnemlich an solchen hohen Personen nicht al-
lein hochlöblich / sondern auch andern dergleichen billich
zur rühmlichen nachfolg vnd Exempel dienlich sein sol-
le /) Ich wil aber iht nur allein das melden / das für-
nemlich hieher gehöret vnd billich zu melden vnnnd nicht
zuuerschweigen ist. Als nemlich / das Ihre G. mit der
aller Edelsten Tugend der Gottseligkeit vnnnd Gottes-
furcht ist gewesen / Welche Tugend diesen Titel vnnnd
Ehrentnahmen in Gottes Wort führet / das sie aller
Weisheit anfang sey / vnnnd wie Paulus sagt / die vers-
heiffung habe / dieses vnd des künfftigen lebens.

Auß dieser aller Edelsten Tugend / sind auch viel
andere mehr als auß einem Brun hergeflossen / vnnnd
ganz ziertlich an ihm geleuchtet / Als / das er sich je vnnnd
jimmerdar / der wahren Christlichen Religion / Gottes
vnd seiner Kirchen / mit besonderm ernst vnd eyuer ange-
nommen / vnd ein rechter Nutritius Ecclesiae vnd Pa-
ter Patriæ gewesen ist. Vnnnd wenn man allhie von
dem fleiß mühe vnnnd arbeit vnkost vnnnd liberalitet / so
Ihr G. in diesem stück auff Kirchen vnnnd Schuldiener /
auff Stipendiaten / vnd Jehrlich Almosen / Alten vor-
setzet

lester Leut angewendet/nach notturfft reden solte / würde es fürwar an zeit vnd Worten mangeln werden.

Neben diesen/hat auch Ihre G. ein Christlich vnd Gott wolgefelliges leben geführet / Alle Predigten Göttlichs Worts / die Sonntag vnd Werkeltag in der Kirchen mit grosser andacht / vnd des meisten theils stehendt / angehoret / das Hochwirdige Sacrament vnd heilige Abendmal mit seiner G. Gemahl / vnd ganzem Hoffgesindt des Jahrs viermahl / bißweilen auch wol öfter entpfangen vnd gebrauchet / vnd also den Vnterthanen mit gutem Exempel vorgangen / Auch selbst daheim für sich die heilige Bibel / die Schrifften des theuren Mans Gottes D. Luthers vnd andere nützliche Bücher / gern vnd fleissig gelesen.

Vnd das sonderlich an Ihr G. zu rühmen / hat er auch alle Morgen vnd Abend vnd sonst auch des Tages vber fleissig Gebet / vnd andechtige Gebet zu Gott gethan / auß allerhand schönen außerlesenen Betbüchern / deren Ihr G. viel bey sammen vnd bey Handen gehabt / Hat auch all sein Gesindt dahin angehalten / daß sie beydes vor vnd nach Tische / jederzeit haben Beten müssen. Ja es haben auch Ihr G. auß eigener hitziger andacht / viel schöne Gebet gemacht / vnd mit eigener Hand / vorn vnd hinten in die Betbücher auffgezeichnet vnd geschrieben.

Vnd was auch Ihr G. Anno 90. den 2. Martij / do er mit der Wolgeborenen vnd Edlen vorwolgedachter vnser gnedigen Frawen Chelich Beylager gehalten / für herliche wüdsche / vnd inbrünstige seuffzen zu GOTT gethan / vnd dasselbige auch mit eigener Handt in das schöne Betbüchlein / so Ihrer G. mit im Sack ist gegeben vnd beygelegt worden / auffgezeichnet / das hab
ich

weiß es auch nicht gnungsam zu rühmen vnd zu loben.
Wie denn auch diese folgende Reymen von Ihrer G.
gemacht / vnd mit eigener Hand / darzu mit groben
Buchstaben auffgezeichnet / vnd folgendes dann auff ein
Trinckgeschir sind gegraben vnd gecket worden / Welche
also lauten :

O mensch / doch bedenc
In alle wege das letzte End
Nuch Rede / Trinck vnd Iß
Gottes dabey doch nicht vergiß.
Förchte in allzeit allein
Vnd spotte ja bey Leib nicht sein /
Thue nach seinem Gebot
Betrachte den Ewigen tod /
Verlasse dich gar nicht
Auff das zeitlich vergenglich.
Betrachte allzeit das Ewig /
So wird dir Gott sein gnedig
Ein seligs End vnd Leben
Gar unzweifflich vnd gewis geben
Welches dir wird viel besser sein
Denn aller welt güter gemein
Denn wenn gleich einer hat
Güter / Gelt / Herrn gnad
Vollauff / gesunden Leib dazu
Fried / Freud / vnd auch gute Ruh
So wert es doch ein kleine zeit
Ist alles nur vergengliche freud.
Wenn aber auffwachen die grossen sünden
Vnd sich der Tod herzu thut finden
Wo bleibet Gut / Gelt / Gnad

Darauff

Darauff er sich verlassen hat.

Darumb denn nichts bessers ist

Dann zu aller vnd jeder frist

Gott fürchten vnd vertrauen allein

Der will vns Barmherzig sein

Da wir im fest vertrauen thun

Durch IESVM CHRISTVM seinen Sohn

Der wolle vns auch gnedig geben

Vors zeitliche das Ewige Leben. Amen.

Auß diesen schönen Keymen / vnnnd andern mehr
schönen Gebetlein / die in Ihrer G. Büchern / vnd tegli-
chen Bohnstäblein gefunden worden. Ist Ihr G. Gott-
seligkeit Christlichs Herz vnd schöne Gedancken wol da-
bey zu erkennen vnnnd abzunemen / so wol auch auß Ihr
G. Symbolo so geheissen hat / A. M. H. Z. G.
Das ist / All mein hoffnung zu G. D. T.

Neben solcher herrlichen anruffung aber / vnd Ge-
bet zu G. D. T. / haben Ihr G. auch die ganze zeit ihrer
Regierung / eine wolgeordnete Policcy / vnnnd gut Regi-
ment in dieser Stadt vnd seiner ganken Herrschafft ge-
halten / vnd halten lassen / gute Iusticiam darinnen ad-
ministrirt / vnd jeden zu seinem Recht gerne geholffen vnd
gefördert / Alle Vbeltheter vnnnd Mißhender / ohn alles
ansehen der Personen ernstlich gestraffet / die frommen
aber geschützet vnd gehandhabet.

Vnd vber das / so haben Ihr G. ein fein nüchtern
vnd messiges Leben geführet / des vollsauffens sich nicht
beflissen / sondern ganz vnd gar dauon enthalten vnnnd
vorredet / Ist auch aller Hoffart / neuen trachten an der
Kleidung / vnd sonderlich den langen obermessigen gros-
sen Krausen sehr feind gewesen / zum öftermahl darüber
geklagt / vnnnd vielmals gesage / das sich die irige Welt
damit

Damit gegen **GOTT** schwerlich versündigen werde. Daz-
gegen ist er in seinem ganzen leben demütig/ auffrichtig/
warhafftig / auch mildt vnnnd wolthetig/ gegen den Au-
men / vnd sonsten auch mit vielen hohen rhumwürdigen
Tugenden reichlich von **GOTT** begabt vnnnd geziert
gewesen.

Vnd was vnterwinde ich mich eines dings / Dazu
ich viel zu gering / vnd zu wenig bin / es außzurichten/
in dem/ das ich Ruhmen wil/ den/ der bey den Nachkom-
men / nicht gnugsam mit rhum wird können erhaben
werden.

Gleich aber wie er nu Christlich gelebet / also ist
sein End auch heilig vnd selig gewesen/ vnd an im wahr
worden / was S. Augustinus saget / do er spricht : Ich
hab noch nie ein böß End / einem guten leben / Oder ein
gut ende / einem bösen leben sehen nachfolgen / vnnnd es
bleibt bey dem Verblein :

Fine bono claudi vita probata solet.

Denn/ das wissen neben mir alle die jenigen/ so bey
seinem Endt vnd Abschied gewesen. / das Er Christlich/
wol/ vnd selig verschieden ist. Er hat zwar ein schwe-
res Creuz / vnnnd langwirige Kranckheit / fast vnnnd bey-
nahe in die neun Wochen / vor seinem seligen Abschiedt
gehabt vnd außgestanden/ Aber mit solcher patients vnnnd
gedult/ das man niemals kein vngeschicktes hartes Wort
von ihm gehört hat / Er ist mit seinem lieben **GOTT**
gar wol zu frieden gewesen / sich jederzeit seinem Gött-
lichen Willen ergeben vnd befohlen.

Vnd ob wir wol/ so vmb ihn waren vielmals sa-
getten : Wir hoffeten / **GOTT** würde so vbel an vns
nicht thun/ das er in dismals würde von hinnen nemen.
Auch vier fürnehme erfahrene tapffere Medici vnnnd

D

Erst

Erkt/von Jehna/von Hoff/ Cunnwach vnd Cunnig/
allen mäglichen fleiß bey ihm theten/ihn zu friesten: So
saget er doch immerdar/ Er wer mit Gottes willen wol
zu frieden/vnd sein vetterlicher will sollte an ihm geschehe
vnd ergehen.

Es haben auch ihr G.eins mals/da ich früh zu ders
selben kommen / zu mir gesaget / das ihme dieselbe ganze
Nacht/der 31. Psalm sey vorgangen/ welcher sich also
anhebt: Herr/auff dich traue ich/Laß mich nimmer mehr
zu schanden werden etc. Darinnen denn auch stehen im
5. Vers/diese wort/ In deine hende befehl ich mei
nen Geist/ du hast mich erlöset/ Herr/du treuer
Gott. Welches ihme/ ohne zweiffel der Heilige Geist
also eingegeben/auff sein zunahendes Endt/ sich Christ
lich vnd Gottselig zu schicken. Den 26. Nouembrio
hat er begert/sich mit Gott/ durch das .h. Hochw
dige Sacrament des wahren Leibs vnd Bluts Christi
zuvereinigen/welches denn auch/früh/zwischen 8. vnd 9.
uhren geschehen / da er denn seine Beicht gethan / auff
eine solche weise/ Er hat seine Sünd erkant vnd bekant/
durch CHRISTVM Gnad gesucht vnd gebetten /
seinen willen abermal ihm Gottes wolgefallen/ genk
lichen ergeben/vnd auff Christum vnd sein verdienst zu le
ben vnd zu sterben ihm fürgenommen / Darauff er von
mir die tröstliche Absolution entpfangen / von allen sei
nen Sünden Absoluire / vnd mit dem Hochwirdigen
Sacrament des wahren Leibs vnd Bluts Christi ist bez
richtet vnd versehen worden.

Vnd von dem an / hat er nachmals / die folgende
Tage vber/mit grosser gedult auff seines Leibs Erlösung
vnd seliges Simeons ständlein gewarret/ Bis er endt
lich am 11. Decem.furz vor 3. Vorn nach mittag/gleich
vnter

unter dem Gebet mit Augen auffschlagen / vnd sich
geben / Als wenn er vns alle gesegenen / vnd einen Ab-
schied von vns nehmen wolte / sanfft vnd seliglich ohn
alle vngedult / wie ein Lichtlein außgangen vnd ent-
schlaffen / vnd Christo seinen Geist hat auffgeopffert /
seines Alters im 53. Jahre.

Der Allmechtige Treue Barmhertzige **GOTT** /
wolle vns allen auch / ein solches seliges End vnd sterbs-
stündlein gnedig bescheren / vnd beydes diesem vnseren
verstorbenen Herren seligen / vnd vns allen / eine fröliche
Auferstehung am Jüngsten Tage verleihen vnd geben
vmb Jesu Christi seines lieben Sohns willen. Amen.

Nach dem aber / Die Wolgeborne vnd Edle / vnser
G. S. ihr G. seligen Gemahl vnd hinderlasne Witwin /
so wol auch die Wolgeborne vnd Edle / Fraw Anna Ge-
borne Reichs Erbmarschalchin / vnd Frau von Zebitz /
ihr G. einige Schwester vber solchen tödlichen Abgang /
ihres lieben Herren vnd Bruders / zum höchsten betrubt
vnd bekümmert sein / Als wollen wir **GOTT** bitten vnd
Anruffen / das er in diesen gegenwertigen Creuz / Leyd /
vnd betrübnis mit krefftigen trost ihnen beywohnen /
durch seinen Heiligen Geist sie trösten / stercken / vnd in
Christlicher gedult erhalten wolle. Wollen auch inson-
derheit Gott bitten vnd anruffen / das er alle gefehrliche
verenderung dieser Stadt / Land vnd Herrschafft gne-
diglichen verhütten / vnd dieses vnser G. S. seligen stet /
künfftig mit einem frommen / klugen / getreuen / versten-
digen HauptRegenten vnd Oberherrn / wieder ersehen
vnd ersetzen wolle. Solches mit gnaden von Gott zu
erlangen / wollen wir vnser Hand vnd Herzen zu Gott
erheben / auff vnser Knie niederfallen / vnd ein

andechtiges glaubiges Vater
Vnser Beten.

EPI TAPHIVM

EREVE TVMVLO AS,
SCRIBENDVM.



*Ac GENEROSE iaces lapidis sub mole sepultus
BAPPENHAIMIACAE gloria magna
domus.*

*CHRISTOPHORE VLRICE ò te nunc tenet al-
tus Olympus*

Mens tua, nunc caeli templa beata colis.

Summa DEI verbum fuit huic didicisse voluptas

Aetherea & sanctum nosse salutis iter

Concedat nobis talem clementia summi

Ipsa DEI similem sollicitata virum.

I. L. F.

ALIVD.

Terrigenum brevis est eheu quam vita caduca,
Cum senibus iuvenes mors violenta rapit.

Vi flos facundo florescit consistus horto,
Et longè teneras explicat vsq; comas.

Sed mox ignito, si quando calore perustus,
Solis florentis folia quæq; iacent.

Sic nos sollicitam vitam deducimus orbe: &

Vi bullæ pereunt; sic perit omnis homo.

Vi bullæ pereunt; sic perit omnis homo.

Et

Et pectus tremore cum ostendisse putamus,
Eheu tunc subito mors gemebunda venit,
Nam mors saevitiam in corpus quæ semper ab ævo
Multis immisit spicula dira modis,
Aequali exæquat submissos arte superbis,
Et vorat exiles, egregiosq; viros,
Ceu docet exuperans generoso stemmate longè
Plebeios alios, & gravitate, viros,
Magnanimus, constansq;, potens cui corpore lato
Frons hilaris, mixta cum gravitate fuit.
Romam imperij sacri pietate vocatus
Marsalcius, cuius nomen honore tenet,
Verba DEI semper magnà pietate fideq;
Audiuit, superos religione colens.
Magnaq; præterea donavit munera Musis,
Pieridum fautor mens generosa fuit,
Hinc inopum sortem largâ stipe sæpè levavit
Exhaustosq; suâ iuvit & auxit ope
Virtutes alias inter ceu gemma reluxit,
Vitæ simplicitas & pietatis honos,
Quisq; potest tandem præclaras dicere laudes?
Omnia quis (quæso) commemorare queat?
Ergo omnes meritò fugientia tempora vitæ
Lugemus, nec non tristia signa damus,
Lugemus lethi præcurvâ falce peremptum
Occultis fati (proh dolor) ipse ruit.
Flete virum fortem, fortem deflete peremptum
Huius enim lacrymas fundere facta iubent
Quid præter lacrymas possum tristesq; querelas?
Et tamen his nemo vincere fata potest.
Ast quid conquerimus? voluit finire labores
Christus, cum quo iam vivit, & astra tenet:

Vive

Vive DEO felix, cælum tibi gaudia multa
Præbeat, & Christi perfruere vsq; bonis
Ultima dona, tuo tumulo iam defero, manes
Molliter hac terrâ, comprecor vsq; cubent.
Dilexi viuum, doleo tua funera, tandem
Iungatur nobis vt noua vita precor.

Heinricus Mulierus eiusdem alumnus.

A L I V D.

Si quis in hoc intrans delubrum, accesserit aram
Quæ Christo posita est, carmina pauca legat:
Carmina, quæ tumulo præfenti adfixa manebunt
Cuius in hoc hominis condita membra cubent,
Hæc pietas est grata DEO, mihi crede viator
Ultima præstantum fata referre virum.
Inclitus, hac lapidum tegitur sub mole sepultus
Bappenheimiacæ clara propago domus,
Hic ortum sumpsit proauum de stirpe vetusta,
Qui factis clarum promeruerit decus.
Quot numerem de gente isthac quibus inclyta virtus
Nomina perpetuò non moritura dedit?
Romani Imperij Marscha cùm munia & enses
Certa refert illos, fama tulisse viros.
E quorum numero VLRICVS nunc morte per-
emptus
Præstans atq; animi robore clarus erat.
A teneris pietatis amans seclator honesti
Iustitiæ cultor iuris amator erat.
Non tolerare suos propter non ferre querelam
Sustinuit, lites sustulit ipse graues.

Iam

Tam taceo, renquas virtutes dicere cunctas
Quis poterit versu, quis spacioue breui?
Quam nihil humanis constans in rebus habetur?
Fatalis pariter mors sua quemq; manet.
Omnia mors superat mors omnia condit & aufert
Omnia deturbat mortis iniqua manus.
Sic quoq; naturæ defunctus debita soluit
Christophorus, requiem morte solutus habet
In Christum quia spem posuit, super æthera viuit
Spiritus, in tumulo molliter ossa cubant.
Huic quicumq; viro fauisti manibus æquus
Esse velis, membris molle precare solum.
Inclytus ille sacram dicas tumulatus ad aram
Mortuus in Christi dormiat vsq; sinu,
Donec ad extremum, cum buccina rauca sonabit
Ex hac exurgat glorificatus humo.

Christophorus Langius ipsius Alumnus.

FINIS.




2787

Handwritten text, likely bleed-through from the reverse side of the page. The text is mostly illegible due to fading and bleed-through.

FINIS





B.I.G.

Farbkarte #13

Centimetres

Blue Cyan Green Yellow Red Magenta White 3/Color Black



II n
8703



ch predigt /
 r Leich und
 Weyland des Wolge
 n Herrn / Herrn Christoffs
 . Römischen Reichs Erb
 Herr zu Dappenhaim / vff der
 thal Christlicher vund selziger
 er den 11. Decembris des 99.
 y Vhrn nach Mittag / Christ
 bt / vund sanfft vnd seliglich im
 / vnd hernacher den 20 Decemb.
 n zu Greuenthal / Christli
 ch nach / zur Erden ist
 tattet worden.

d geprediget / Durch
 n Langen N. damals
 Herr zu Greuenthal.



chna / Durch Salomon
 n / Typis Donati Richtzenhan.
 Jahr / 1600.

